

Belesar prepara o seu entroido máis tradicional

Escrito por Redaccion @valminorinfo
Venres, 07 Marzo 2014 11:01



Os veciños e veciñas de Belsesar levan xa toda a semán de entroido. Os tradicionais mecos decoran dende o comezo da semán algúns puntos da parroquia baionesa.

A cita da festa será este sábado ás 16h con saída dende o torreiro Belesar para dar o percorrido pola parroquia e regresar ao torreiro onde agarda unha grande chocolatada.

Todo listo para arrancar a terceira volta do entroido en Belesar. Os tradicionais mecos de entroido penduraban dende esta semán dalgúns postes e semáforos de Belesar advertindo a locais e visitantes que a parroquia está en festas. Rajoy, Feijoo e Merkel penduran dende fai varios días os postes do alumeado, con carteis satíricos convidando á festa.

Os veciños organizadores danlle brío a machetes e motoserras para decorar con mimosas os seus tractores para que todo quedase listo para a cita de mañá.

Recuperación da festa de entroido en Belsesar

Un grupo de veciños da parroquia baionesa decidiron recuperar en 2012 esta festividade e tomar a iniciativa ante a ausencia de asociacións veciñais que organicen eventos culturais na parroquia. Despois de 20 anos sen celebrar esta festividade, o grupo de veciños de Belesar tomaron a iniciativa de recuperar esta festa que todos eles lembran con nostalgia pero sen resignación. A iniciativa xurdiu novamente dende o grupo de Facebook " [Belesar protesta](#) " que

Belesar prepara o seu entroido máis tradicional

Escrito por Redaccion @valminorinfo
Venres, 07 Marzo 2014 11:01

a semán pasada volvía a facer un chamamento no seu perfil para repetir a festa das edicións anteriores.

A festa

Ademais do tradicional percorrido en tractor e chimpín decorados para a ocasión. As peculiares carrozas levarán música e a "carallada" típica do entroido polas zonas de A Estivada, A Granxa, Urgal, ...para rematar cunha chocolatada no torreiro para todos os asistentes.

A comisión de festas de San Lourenzo de Belesar tamén abrirá unha cantina no torreiro para recadar fondos para ás festas da parroquia.

Ver imaxes do entroido de 2012 [aquí](#) , feitas por [1punto1 Fotografía](#)